

BOSNA I HERCEGOVINA

Brčko distrikt BiH

SKUPŠTINA

BRČKO DISTRIKTA BiH



БОСНА И ХЕРЦЕГОВИНА

Брчко дистрикт БиХ

СКУПШТИНА

БРЧКО ДИСТРИКТА БиХ

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 22 Statuta Brčko distrikta Bosne i Hercegovine (Službeni glasnik Brčko distrikta BiH, broj 2/10 – prečišćeni tekst), Skupština Brčko distrikta BiH, na 68. redovnoj sjednici održanoj 14. oktobra 2020. godine, usvaja

**ZAKON O IZMJENAMA I DOPUNAMA ZAKONA O
UBLAŽAVANJU NEGATIVNIH EKONOMSKIH POSLJEDICA IZAZVANIH STANJEM
PRIRODNE NESREĆE ZBOG COVID-19 U BRČKO DISTRIKTU
BOSNE I HERCEGOVINE**

Član 1

U Zakonu o ublažavanju negativnih ekonomskih posljedica izazvanih stanjem prirodne nesreće zbog Covid-19 u Brčko distriktu Bosne i Hercegovine (Službeni glasnik Brčko distrikta BiH, broj 17/20) član 1 mijenja se i glasi:

„Član 1

Ovim zakonom propisuju se: kontrola namjenskog trošenja dodijeljenih sredstava, obaveza Vlade Brčko distrikta Bosne i Hercegovine (u daljnjem tekstu: Vlada), oslobađanje obaveze plaćanja akontacije poreza na dobit, poreza na dohodak od samostalne djelatnosti, poreza od priređivanja igara na sreću u paušalnom iznosu, odgoda plaćanja poreza na nekretnine, oslobađanje plaćanja zakupnine poslovnog prostora i javne površine u vlasništvu Distrikta, način rješavanja problema nerealizovanih turističkih putovanja koja su uplaćena turističkim agencijama u Distriktu, isplata punog iznosa podsticaja u poljoprivrednoj proizvodnji za 2019. godinu, odgoda primjene propisa kojim se utvrđuje namjensko korištenje sredstava, kaznene odredbe, državna pomoć, te rok za donošenje akata u skladu s ovim zakonom.

Član 2

U članu 2 stavu 1 tačke b) i d) se brišu.

Član 3

Član 4 mijenja se i glasi:

„Član 4

(Obaveza Vlade)

- (1) Vlada, na prijedlog Odjeljenja za privredni razvoj, sport i kulturu usvaja program utroška sredstava odobrenih budžetom, koji se odnosi na saniranje šteta u privredi nastalih usljed stanja prirodne nesreće zbog Covid-19, u skladu sa Zakonom o budžetu Brčko distrikta BiH i Zakonom o izvršenju budžeta Brčko distrikta BiH za tekuću fiskalnu godinu.
- (2) Program iz stava 1 ovog člana odnosi se na sanaciju šteta u privredi počev od maja 2020. godine.“

Član 4

U članu 5 stav 2 se briše.

Član 5

U članu 6 stav 2 mijenja se i glasi:

„(6) Odjeljenje za privredni razvoj, sport i kulturu dužno je podnositi mjesečne izvještaje Vladi i Skupštini Brčko distrikta BiH o provedenim postupcima iz člana 4 ovog zakona.“

Član 6

Član 7 se briše.

Član 7

U članu 8 stav 1 mijenja se i glasi:

„(1) Oslobođaju se obaveze plaćanja akontacije poreza na dobit, odnosno poreza na dohodak od samostalne djelatnosti za 2020. godinu poslovni subjekti iz člana 2 tačke a) ovog zakona kojima je zabranjen rad usljed stanja prirodne nesreće; poslovni subjekti koji su zbog prirode svog posla i povezanosti s pravnim licima kojima je rad zabranjen bili spriječeni u obavljanju svog rada; poslovni subjekti koji se primarno bave proizvodnjom radi izvoza, čiji ukupni promet najmanje 50 % čini izvoz, a koji su usljed stanja prirodne nesreće prisiljeni obustaviti rad zbog stanja u poslovno povezanim firmama u inostranstvu usljed nemogućnosti snabdijevanja repromaterijalom i nemogućnosti izvoza gotovih proizvoda; kao i oni poslovni subjekti koji su na osnovu drugih odluka nadležnih institucija bili spriječeni u obavljanju svojih djelatnosti, do dana prestanka zabrane rada usljed stanja prirodne nesreće.“

U članu 8 stav 3 mijenja se i glasi:

„(3) Oslobođaju se obaveze plaćanja poreza na dohodak poslovni subjekti koji u skladu s propisima o porezu na dohodak plaćaju porez u paušalnom iznosu do 31. 10. 2020. godine.“

U članu 8 stav 4 mijenja se i glasi:

„(4) Oslobođaju se obaveze plaćanja poreza od privređivanja igara na sreću priređivači igara na sreću putem automata, koji porez plaćaju u paušalnom mjesečnom iznosu do 31. 10. 2020. godine.“

Član 8

Član 10 se briše.

Član 9

Član 11 se briše.

Član 10

U članu 13 stavovi 4, 5 i 6 se brišu.

Član 11

Član 15 mijenja se i glasi:

„Član 15

Direktor Direkcije za finansije Brčko distrikta BiH na prijedlog direktora Porezne uprave, u roku od deset dana od dana stupanja na snagu ovog zakona donosi Uputstvo za sprovođenje ovog zakona.,,

Član 12

Iza člana 15 dodaje se novi član 15a koji glasi:

„Član 15a

(Supsidijarna primjena)

Na odredbe članova 6 i 13 ovog zakona supsidijarno se primjenjuje Zakon o Poreznoj upravi Brčko distrikta BiH u dijelu rokova zastare za utvrđivanje, naplatu i prinudnu naplatu.“

Član 13

Član 16 se briše.

Član 14

Ovaj zakon stupa na snagu narednog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-1026/20

Brčko, 14. 10. 2020. godine

**PREDSJEDNIK
SKUPŠTINE BRČKO DISTRIKTA BiH
Esed Kadrić**